

浙江文叢

俞樾全集

〔第二十七冊〕

浙江出版聯合集團
浙江古籍出版社

浙江文叢

俞樾全集

〔第二十七冊〕
春在堂日記

〔清〕俞樾著 趙一生整理

浙江出版聯合集團
浙江古籍出版社



春在堂日記

〔清〕俞樾 著
趙一生 整理

如圖



弁言

俞樾一生著作等身，惜日記大都佚失，至可歎惋。據其弟子所言，曲園先生自咸豐己未始，直至光緒年間，均寫有日記，持之以恒，歷數十年而弗輟。而渠親自編定的《春在堂全書》中，惟錄存有同治十一年春間《閩行日記》一卷。光緒末年俞氏作古後梓行的《全書》附錄又載有光緒十八年二月初十日至四月初三日日記殘稿數葉。僅此而已。

時隔一百四五十年，隱沉一個多世紀的同治六年至光緒二十年的十年間日記手稿本終於發見，得以納入《俞樾全集》面世，誠一佳事也。從手稿本封面俞陞雲題簽及後人諸題識文字記載，其手稿本一直由其孫陞雲、曾孫平伯所珍藏。直至一九九九年杭州西湖孤山南麓原俞樓基址新建俞曲園紀念館落成開放時，其玄孫輩俞成、俞潤民無償捐贈出來，交由紀念館保存利用。此次出版得到杭州市園文局岳廟管理處的大力支持，慷慨提供。對此深表謝意。

十年日記，首尾完整，字體在楷隸之間，筆法精謹端嚴，體裁簡約明快，文字情真意切，乃曲園學術文化著述、執教講學、與各界人士交往以及家庭生活之實錄，留存有大量的歷史文化信息。從中歷歷可見曲園讀書治學、校釋考據、施教育才、命題閱卷、登臨訪覽、書信往還、友好過從、人際酬應，以及營宅家事等踪跡，堪可與其五百卷宏篇鉅著彼此印證，相互發明。斯

十載期，恰值其壯年酬志的黃金時段，拚命著述，傳承學術，取得了彰著的成就。一是潛心撰著，成果閎富。先後刊行《羣經平議》、《諸子平議》、《古書疑義舉例》、《賓萌集、外集》、《第一樓叢書》、《曲園雜纂》、《詩詞編》（十一卷）等近二百卷。其中經學、子學、古文文法文例研究的三部代表作的重頭部分均已在此列。二是悉心講授，梯梁後學。自同治六年執掌浙江詁經精舍山長為主講席，竟連續達三十一年之久。同時並兼主上海詁經精舍、上海求志書院、湖州菱湖龍湖書院、德清清谿書院、五湖書院、杭州宗文義塾。時人譽爲『門秀三千士』，其門下英才傑士輩出，聲名遠聞中外學界。三是盡心文獻典籍刊刻傳世，貢獻良多。總辦浙江書局，會同江蘇、揚州、湖北書局分刻二十四史，精刻二十二子書，時稱善本。還主修《上海縣志》。此外，其間曾先後三次遠途跋涉赴福建福寧，省視太夫人及壬甫長兄，最後一次爲亡兄致哀，迎候太夫人回蘇。緣俞氏被罷職南歸後，一直賃房寄居蘇州，而掌教卻在杭州，頻繁行移於蘇杭兩地之間。同治十三年，在蘇州馬醫科巷購置宅基地，鳩工營造『春在堂』，闢建『曲園』，於光緒元年四月移寓新居，雖自謂『苟完苟美』，然終於有了自身安舒之住所。

十年日記的示現，部分地補苴日記的缺失，尚難得，宜當珍視，無疑爲學界研究俞樾其人其學與晚清文化學術史提供了一份有歷史價值且真實可靠的史料。

趙一生識于良渚文化村頤寧居

二〇一七年八月

題識

一

寬每聞先生言曾文正公在軍中，日必有記，名過隙影，積旬日輒命錄寄子弟以當家書。先生自咸豐己未至光緒己丑，亦每日必寫日記，歷數十年不輟。今復敬觀斯冊年之間，一筆不苟，其精整尤非尋常人所能及。益信名臣大賢，無有不克勤小物者，即細節以觀其全，乃知其所成就，非倖致也。

戊申十有二月，陽湖趙寬拜觀敬識。

一一

自昔名儒碩彥多有日記，以驗進德修業。戊申歲暮，文蔚歸自秣陵，階青太史手祖庭日記二冊見眎，自同治丁卯迄光緒丙子，細書密字，始終無一懈筆。《詩》曰：『溫恭朝夕，執事有恪。』乃歎古今盛德大業，無不基於有恒。先師箸書盈架，海內推爲精博，始知平時所積，非偶然也。文蔚以先世雅故，弱冠獲奉几杖。中間飢走四方，違離十載。乙巳重來吳下，昔款今情，眷愛愈篤，親承警效者兩年。丙午之冬，遽撤琴瑟，梁木之痛無時已已。今捧遺墨，先世名

氏猶存記中，自維瓠落，不能仰酬萬一。階青太史永懷祖硯什襲棄藏，而雅材宏達，能傳家學，尤不可及。開卷溫尋，益增高山景行之慕也。

門下士宋文蔚拜讀敬誌。

三

宣統三年歲次辛亥元旦日，門下再晚學生鄭言拜觀。

四

宣統三年正月，過吳門，訪曲園，獲觀春在堂日記始丁卯訖丙子，精雅詳謹，十年如一日，妙睹墨寶，歡喜讚歎。

年孫毓良敬識。

五

戊辰元旦，謁外舅賀歲，拜曲園公影堂，獲觀此日記二冊，距今適甲子一周矣。國家盛衰之故，曷可俚指？惟世德相承，書香勿替者，可永保於無窮，不隨時代治亂而變也。

門下婿許寶衡謹題。

六

曲園先生日記二冊，爲平伯兄歷世珍藏，計自同治丁卯（六，一八六七）迄光緒丙子（二，一八七六），迄今已及百年。茲同人集會於聖陶寓所，平伯攜示，同聲贊歎。因各署名並志年歲，以志紀念。

王伯祥時年八十五

章元善時年八十三

顧頤剛時年八十二

葉聖陶時年八十一

一九七五年四月十九日，頤剛執筆。

春在堂日記目錄

弁言	趙一生	同治十年(辛未,一八七一)	(二七)
題識	趙寬 宋文蔚 鄭言 俞爽良	同治十一年(壬申,一八七二)	(二一五)
	許寶衡 王伯祥 章元善	同治十二年(癸酉,一八七三)	(二五七)
	顧頤剛 葉聖陶	同治十三年(甲戌,一八七四)	(三〇二)
		光緒元年(乙亥,一八七五)	(三三八)
		光緒二年(丙子,一八七六)	(三七〇)
同治六年(丁卯,一八六七)			(二)
同治七年(戊辰,一八六八)			(四二)
同治八年(己巳,一八六九)			(八八)
同治九年(庚午,一八七〇)			(一二九)
		光緒十八年(壬辰,一八九二)二月初十	
		至四月初三	(四〇三)

同治六年

歲陽在強圉，歲陰在單闕。強圉亦作彊梧，單闕亦作蟬焉。

正月小盡 終陬陬亦作聚

二月大盡 極如

三月小盡 畢病窮亦作窮

四月小盡 橘余橘亦作臚

五月大盡 修皋皋亦作高

六月小盡 圉且

七月小盡 厲相

八月大盡 則壯

九月小盡 室玄

十月大盡 塞陽

十一月大盡 終辜

十二月大盡 極涂涂亦作荼

正月

丙辰，晴。高雲山清巖來。凡客來不見，則不書。是日，始艸《墨子平議》。

丁巳，雨。

戊午，晴。

己未，不書晴雨，與上日同也。凡晴雨與上日同，不書。是日，出拜客，見汪柳門庶常，暨姚松泉舅氏。其餘不見，不見則不書。

庚申，雨旋霽，終日陰。蒯蔗農觀察來。是夜雨。

辛酉，激雨，旋霽，終日陰。是日，于先高祖以下畫像前設祭行禮，禮畢，敬撤。吾家故事，于除夕縣先世畫像，至正月十有八日而撤之。余以流寓四方，不能如故事，故縣六日而撤，示不備禮也。是日，《墨子平議》弟一卷成。

壬戌，陰，已而大雪。姚松泉舅氏來。曹平之均、李子明元楨來，兩生皆肄業書院者也。應敏齋觀察來。

癸亥，雪霽。出拜客，見蒯蔗農、潘玉泉兩觀察。

甲子，晴。潘濟之祖謙、和甫祖均來。得汪儀卿鴻逵十二月九日書，又得王康侯女壻十二月廿九日書。是夜雨。

乙丑，雨。與王補帆暨康侯書。

丙寅，雨霽，夜復雨。是日，《墨子平議》弟二卷成。

丁卯，雨霽，已而復雨。得馬穀山撫部書、杜小舫觀察書，不書月日，書無月日也。得王補帆正月八日書。沈韻初樹鏞餽酒食。

戊辰，陰。潘玉泉觀察來。

己巳，陰，日間見。得康侯正月十日書。觀傀儡戲。松泉舅氏來。

庚午，陰。曾君襄表之撰饋酒肉。是日，《墨子平議》弟三卷成。

辛未，晴。惲仲清頌孫叔來，俟孫來，皆惲次山同年之子也。出拜客，見吳平齋觀察、陳小舫太守、楊敏齋刺史。許星未鴻臚來，未見。往拜，亦未見，而書以自遠來也。凡四方君子自遠而來，雖未見，書焉。是日，得壬甫兄十二月十四日書。

壬申，晴。許星叔來。汪柳門來。曾君襄來。得楊石泉方伯書。得應敏齋觀察十五日書。

癸酉。閔小圃寶樑來。與應敏齋書。與周慕陶及少雲書。與姚魯卿書。

甲戌。閔小坡以戴士衡暘谷及其子翊清劄卿來。吳承潞廣龔來。王曉蓮方伯來。李薇生太守來。得戴子高正月七日書。

乙亥。出拜客，見勒少仲廉訪。得李肅毅伯正月十一日書。勒少仲來。

丙子，微雨。登舟赴上海。命家人送姚祖詒入塾讀書，祖詒乃吾甥氏，平泉公之孫，外弟幼泉之子，而于內子則姪也。亂後，母子二人寄食村間，無以爲生。余曰：吾甥氏，無它孫，止此一脈矣。吾外王父蘭皋公無它曾孫，亦止此一脈矣。乃于五年正月使人取其母子來，而今歲命入塾焉，蓋已七齡矣。祖詒，余所命名也。其冠也，即字之曰穀孫，《詩》不云乎，『君子有穀詒孫子』。以吾平泉公之盛德，其患無後乎？斯名斯字，所以識也。是日，泊漁亭，舟中始草《列子平議》。

丁丑，雨且風。不可行，既飯而後行，泊昆山，更鼓再嚴矣。是日，余有疾，不夕食。

戊寅，晴。泊黃渡。

己卯，雨。至上海。拜敏齋觀察，見。遂如南園，見賈雲階、履上、李小雲、曾祜、艾靜洲、德堃、王子言、恩溥、姚潤生、元滋、賈跂雲襄。余遂宿于南園之湛華堂。得兒子紹萊正月二十三日書，內有戴子高十四日書、蔡厚齋甥十四日書。

庚辰。應敏齋觀察來。王竹侯廉訪來。沈雒宜大令來。王蓮塘大令來。胡治卿廣文來。張欣木王熙來。費若農培鎮、毛對山祥麟、鄭蓮君德鍾、劉子宣燦俱來。是夜，會飲。子來與我同有事于修志局也。是夕，會飲于湛華堂。作家書。

辛巳，晴。王蓮塘大令來。郁正卿熙繩、江馨山承桂、趙建侯豫升、莫爾嘉肇辰俱見。出拜客，見應敏齋、蒯蔗農兩觀察暨王大令。

壬午。鍾子勤文烝來。戴笑鴻儒來。上太恭人書，與壬甫兄書，并寄去茶葉二瓶。

附記：寄福建書，託上海小東門外潮州會館對門豐興棧李自西瑞岐轉。寄時李君回閩，交付其友也。又或交永裕厚會票局，寄福州本局毋壁如轉交亦可。閩寓在渡雞裏淳仁坊。

癸未。姚靜巖壽基來。侯徠山廷松來。程黻卿咸焯來。沈又亭兆元來。郭日長德炎來。

出拜客，見蔣心香德馨、鍾子勤文烝。是夕，敏齋觀察招飲于絜園。

甲申。徐子喈鳳鳴、趙二川晉榮見。出拜客，見徐伯蕃司馬。得兒子紹萊正月二十七日書，知次女繡孫自京師歸至于蘇州，喜之，故書。

二月

乙酉。郭學汾儒棟見。至王仁伯家，見日本國人倉敦敦字松窗，與之語以筆墨代喉舌焉。得紹萊書，內有許子原女壻書。作家書，并與王補帆親家書。

丙戌。至文廟大成殿，觀祭器樂器。明日，上丁有事于文廟，故先陳焉，遂登尊經閣。閣之下，祀字祖經師。余嘗言于應敏齋觀察，周太史籀爲大篆之祖，秦太史令胡毋敬、御史程邈爲小篆之祖，今竝增人矣。又至豫園，園故明潘恭定公所葺也。公名恩，字允端，《明史》有傳，其經營此園垂三十年，亭榭水石之勝，甲于一郡。今爲城隍廟之西園，賈人賃居而列肆焉。又嘗爲西兵所據，嘉木拔，怪石仆，流泉淤，勝地

不常，是可感矣。作家書，并與許子原女壻書。

丁亥，雨。倪述亭學稱、徐汀舟恩灝見。

戊子，陰。虞映溪慶瀾來，吾浙東陽令也，以補帆書來。

己丑，晴。尹子銘鑒惠來。侯徠山來。

庚寅。至龍門書院，見張欣木尹久未、黃協卿師虞來。應敏翁來。嚴伯雅司馬錫康來。得紹萊二月四日書。

辛卯。金漱芷鳳清來。陳子莊其元來。蔣心香德馨來。出拜客，見漱芷及馮介安觀察。是日，海運局交來《羣經平議》，喜之。故書應敏翁，以日本人安井仲平衡《管子纂詁》贈。

壬辰。馮少渠渭來。徐伯蕃元錫來。作家書。

癸巳。金漱芷來。馮介安觀察禮藩來。出拜客，見敏齋觀察。是日，徐伯蕃司馬招飲。

甲午。陳作梅元燮來。得張少渠豫立書。

乙未。登舟還蘇州，艤舟于新聞。侯潮至而夜行，不知其行幾里，泊何地也。或曰距黃渡，蓋九里。是日，復艸《列子平議》。

丙申。泊崑山。是日，《列子平議》成。

丁酉。還蘇州。

戊申。出拜客，見郭遠堂中丞、王曉蓮方伯、勒少仲廉訪、李薇生太守。與應敏齋書、子原書。

己亥。王曉蓮方伯、潘季玉觀察來。潘濟之和甫來。得崇地山侍郎書。

庚子。郭遠堂中丞來。曾君襄之撰來。朱采蓀冕群以沈吉齋夢巖書來吉齋著題《榴盒詩集》。二十五年前，曾爲作序，久不通問矣。今得其書，乃知其撰述甚富，有《廿二史雜說》、《尚書彙解》、《肉譜》、《匹夫小史》、《古韻通叶》、《庚癸一家言》等書。其《肉譜》體例，與王李蒙亦相類。《匹夫小史》記常言俗事。《庚癸一家言》則專記粵賊之難也。余閱其窮老，著書不克自見于世，故存其大略于此。戴列卿翊清來。

辛丑。馮聽濤松生來。郭遠堂中丞招飲。是日，出拜客，見吳平齋觀察，遇雨而歸。其夜雨甚。

壬寅，晴。吳平齋來。得徐孝廉士駢書。得姚魯卿書，并餽兒子祖仁藥。即作復書，并與誼笙書。是日，紹萊赴杭州，齋去致許信臣中丞書、子原女壻書。

癸卯。胡綬若有陟來。俞勁叔剛來。高雲山來。陶升甫來。

甲辰。郭遠堂中丞、王曉蓮方伯、勒少仲廉訪咸至書院，具柬請開課，遂至講堂，與行交拜禮，并受諸生拜見。如儀，中丞饋酒食。與李肅毅伯書。趙小霞際清來，小霞舊曾

受業于門者也。師竹庵觀察榮光來。是夜雨。

附記：二月望課詩文題

君子一言以爲知三句 賦得春人長洲草又生得『洲』字

乙巳，雨，旋霽，終日陰。張丈應昌來，惕齋同年之季父也。所著有《春秋屬辭辯例》六十餘卷，舊曾刊版，今燬于兵火，擬寫本進之朝，未知果否？又著《南北史識小錄補正》，吳仲宣制府刻之于杭州。又著《國朝正氣集》，未刻也。其年已七十餘，嘉慶庚午舉人，亦吾鄉之魯靈光矣。徐賓子觀昭、殷培厚、李垚、陶縵雲、嘉棟均來見，皆肄業于書院者也。得周幕陶二月十三日書。與王補帆親家、康侯女壻書、許子原女壻書。

丙午，晴。江華卿來。出拜客，見張仲甫丈應昌，以所著《彝壽軒詩鈔》、《寄庵雜著》、《煙波漁唱》見贈。又見葉涵溪。

丁未。陸鍾山連達來。閔小圃寶樑來。得王康侯女壻十八日書。

戊申。嚴緇生辰來。得許子原女壻書。得紹萊書。歸王氏長女錦孫至自杭州，得親家王補帆廉訪書。

己酉。與補帆書。吳曉帆觀察煦來。

庚戌。鄒蓉閣在衡來。得兄子黼堂正月廿二日書。得談仲修獻二月廿三日書。與崇地